

Universitätsbibliothek Wuppertal

Tabvlæ Geographicae Cl. Ptolem[a]ei

Mercator, Gerhard

Coloniae Agrippinae, 1578

Vorwort

Nutzungsrichtlinien Das dem PDF-Dokument zugrunde liegende Digitalisat kann unter Beachtung des Lizenz-/Rechtehinweises genutzt werden. Informationen zum Lizenz-/Rechtehinweis finden Sie in der Titelaufnahme unter dem untenstehenden URN.

Bei Nutzung des Digitalisats bitten wir um eine vollständige Quellenangabe, inklusive Nennung der Universitätsbibliothek Wuppertal als Quelle sowie einer Angabe des URN.

[urn:nbn:de:hbz:468-1-441](https://nbn-resolving.org/urn:nbn:de:hbz:468-1-441)

P R A E F A T I O I N S E Q V E N S

T A B V L A R V M P T O L E M A I O P V S .



VLTVM refert cum in omnibus veterum traditionibus, tum maximè in Geographia, antiquitatem illæsam inuariatamq; seruare: quum enim plurima insint siue naturæ mysteria, siue latentium rerum signatura, siue habitudinum & proportionum certæ & exquisitæ quædã, nec otiosæ rationes, quæ ignara posteritas pro suo cuiusque intellectu mutando emendandoq; facile altioribus tenebris inuolueret, obscuraret, corrumperet & annihilaret, maximè facillimeq; id in illustri illa plurimiq; facienda Ptolemæi Geographia committi, nemo est mediocris iudicij, qui si perpendat, non intelligat. Multa enim sæcula à Ptolemæi, qui sub Antonino Pio Imperatore vixit, tempore ad nos vsq; in summo studiorum, maximè Geographiæ neglectu & ignavia pertransuerunt, in quibus regna omnia, populi, & vrbes à barbaris nationibus aut deleta, aut vastata mutataq;, nec medijs temporis scriptoribus à veri situs nominum, quæ obliuione & interitu vindicata sunt, adeo vt ne decima quidem pars eorum, quæ apud Ptolemæum sunt nominum, hodie suis locis certò & sine omni controuersia designari queat, quæ si quis vel in vniuersum, vel parte aliqua castigare velit (nam Ptolemæus perfectam omnium symmetriam, præcipuè in particularibus locorum distantijs & situ nondum assequutus fuit) an non temerè & arroganter faciet illa transponendo, contrahendo, distrahendoq;, quorum vt pote ignotorum situm distantiamq; haud nouit? Id verò dum quisque pro sua opinione ausus fuerit, quid aliud tandem sequetur, quàm vt pro vno Ptolemæo multos habeamus, & quisnam eorum sit genuinus ignoretur? Sic tum deprauatæ antiquitatis verus perierit vsus, dum nihil penè sit quod ipsius primi autoris esse statuere possis, neque quid integrum quidue corruptum dinoscere, proinde nec in recentiore castigatiusq; commensurata tabula assumptorum locorum veterum situm argumentari villo modo queas. Talis profectò (quod dolendum est) temeritatis nõ parum Ptolemæo nostro accidit, quisque in sua patria sibi nota loca ad veriorem à se mutuò distantiam reducerè pulchrum putauit, interim vicinarum ciuitatum respectum & commensurationem negligens, ac subindè plurimum vicians, alij oscitanter exemplaria transcribendo numeros corrupserunt, alij quæ Ptolemæus ex obseruatione aliorum rudi lib. 8. annotauit, ex ipsius numeris, tanquam exactius quiddam reddituri, castigare ausi sunt, ita temeraria in tam insigni opere lusit audacia, etiam ipsa certissima emendandæ Geographiæ fundamenta violans & corrupens, vt nulla sit totius operis pars, quæ non plurimis mendis scateat, difficillimumq; sit genuinum ab adulterino discernere. Accedit & nostro sæculo typographorum negligentia, vt duas tam clari operis æditiones per omnia consentientes non inuenias. Hac in tam celebrem antiquitatem iniquitate motus, cum ex castigatis neotericis tabulis veterem Geographiam totis viribus illustrare esset institutum, ante omnia necessarium duxi, vetustissimã hanc Ptolemæi, & quodãmodo à primis eius artis incunabulis per manus traditam Geographiam ad autoris mentè, quoad fieri posset, reuocare & restituere, ad quam prouinciam cõmodius subeundam, varias Ptolemæi operis æditiones, quæ diuersorum essent autographorum exemplaria, conferendas esse visum est necessarium. Quinque itaque quæ contingere poterant æditiones magis autenticas ad hoc delegi, quarum antiquissima anno 1409. à Iacobo Angelo ex græco sermone in latinum conuersa fuit, & Alexandro PP. S. dedicata, exscripta autem ex ipsomet autoris autographo (quantum apparet) mandato Nicolai de Cusa Cardinalis, is enim paulò post, nimirum anno Domini 1448. Cardinalis creatus fuit, mortuus autem 1464. cum nondum eam æditionè in complura exemplaria propagatam fuisse sit verisimile, & noluisset tantus eruditione & autoritate gratiaq; apud summum pontificem valens vir aliunde, quàm ex ipso fonte hos latices haurire. Hoc Cusani exemplar beneficio Reuerendissimi Illustrissimique Principis Electoris Iacobi ab Eltz, Archiepiscopi Treuirensis, summi studiosorum fautoris & Mecœnatis nactus sum. Altera æditio ex eiusdem Iacobi Angeli versione est, sed nonnullis locis, quantum apparet, castigata, ad græci codicis ne, vnde ille traduxerat, fidem, affirmare nequeo, tametsi suspicer, impressa est Romæ anno 1490. cum tabulis in ære pro ea ætate elegantissimè excisis, autor æditionis non additur, nisi fortè is sit qui registrũ alphabeticum in 8. Ptol. libros addidit, in quo sub nomine Edessa se Genuam aliquoties peregrinatum ait, & ibi in laudem effigiei Christi, quam Veronicam appellant, hoc epigramma conscripsisse.

*Hanc rex effigiem Christo mittente recepit
 Rbgarus, hinc signa quàm patuere Dei
 Latria debetur totum, cui summa per orbem
 Poplitibus flexis supplicibus manibus
 Ipsam ego per spexi manibus tetigique Philippus,
 Vuerem vt incolumis, cui pia thura dedi.*

Vir apparet literatus & multæ lectionis, ac non mediocris iudicij, vt Angeli translationem cum græco codice, imaginem cum exemplari conferre potuerit & emendare. Hanc editionem inuentu admodum raram mihi suppeditauit Ioannes Helman Agrippinas V. I. Licentiatus, vir doctus, antiquitatisque summus cultor. Tertia æditio est ex versione quidem Bilibaldi Pirckeymeri, sed à Michaele Villanouano ad græca & prisca exemplaria recognita, & Lugduni anno 1535. impressa, quæ cum in numeris frequenter à duabus præcedentibus differat, & fidelius excusa sit, quàm vt typographi oscitantia id imputari possit, non dubiũ est, quin à diuersi generis exemplari græco ad latinum traducta sit. Quarta est ex versione Ioannis Nouiomagi Coloniae anno 1540. excusa, quam etsi plus satis mendosa sit, tamen cum sæpe admodum à reliquis omnibus in numeris differat, alterius iterum generis exemplar græcum imitari necesse est. Postrema est Iosephi Moletij, qui versionem Bilibaldi rursus cum multis græcis codicibus diligenter contulit. Ex tot vnus fontis distinctis deriuationibus ad primæ scaturiginis certiore explorationem verioremq; conditionè perueniri posse nõ diffidebam, quum omnes ex vno autographo eodem simul loco errare difficillimè cõtingat. Accedit vna Ptolemæi regula, quæ nobis adminiculo, & ad ipsam veritatem veluti directrix est, quam lib. 2. cap. 1. sibi præscribi

P R A E F A T I O.

scribit, cum à sinistris ad dextra, à superioribus ad inferiora, hoc est ab occiduis ad orientalia, à borealibus ad australia se ordine progressurum dicit, qui ordo duabus rationibus scribarum negligentia turbari potest, nominum transpositione, & numerorum permutatione aut alteratione, quarum cum illa difficilius committatur, hæc verò sit pronior, quoties descriptionis ordo retrorsum abire deprehenditur, alterutram causam subesse necesse est, at posteriorem pro maxima parte semper. Vt si constituto aliquo loco, verbi gratia in long: 35 $\frac{1}{2}$. & lat. 28 $\frac{1}{4}$ borea, alter postea signetur in eadem longitudine aut minori, simulq; in eadem latitudine aut maiori vt in 34. 28 $\frac{1}{4}$. aut 34. 29. aut 35. 29. inuersus erit ordo contra Ptolemæi regulam, quam obrem corruptela in numeris haud dubiè erit, nisi de locorum iuxta eas iusta designatione constet, tum enim nominum transpositio pariter cum numeris arguenda venit. Ptolemæus enim non solum in prouinciarum, sed etiam in particularium regionum, & gentis cuiusque peculiari descriptione hunc præfixum ordinem vbiq; obseruat, nisi, quod rarissimum est, alia subit ratio euidens, quam suis locis indicabo, ad eò vt cum in I. Africæ tabula hunc quodam loco transcendit, id non sine præmonitione faciat. Procedit autem in prouincijs notioribus per singulos populos, ordine sibi præscripto vnumquenque absoluens, priusquam ad alterum pergat, in minus notis, vbi subdiuisiones nullas habet, vnum alterumq; latitudinis gradum à termino occiduo ad ortiuum continuè absoluit, aut vnum alterumq; longitudinis gradum per totam tabulæ latitudinem à summo deorsum continuè perficit, reliquum deinde tabulæ similibus spatijs emetiens. Illis igitur 5. exemplaribus ita vsus sum, vt hanc Ptolemæi regulam quoad licuit inuiolatam seruarem, & quandiu à præscripto ordine non recederent, plurimum consensum, aut si verus locorū situs cognitus erat, illud quod proximè huc accederet sequeretur, sin verò contra ordinem numeri tenderent, & vnius alicuius longitudo, alterius aut latitudo iunctæ ab ordine non dissentirent, cõponere illos non dubitavi. Cùm enim plures vnū exscribunt codicem, difficulter, vt vnus dixi, in vno eodemq; numero errant omnes, sed manet apud aliquem, apud aliū alterius partis veritas. Quæcunq; porrò sic ex autoribus signari potuerunt, eorum non esse mihi reddendam rationem existimo, quod è fonte ipso siue vitio deriuata esse, vtpote ordini Ptolemæi consentanea sit verisimillimum. Quoties verò siue in longitudine siue in latitudine aberrant ab ordine omnes, sic vt nulla pro veritate compositio fieri possit, errorè vel ex cognito verò situ, vel ex numerorum fallaci similitudine, vel alia probabili causa, quin & verisimili nonnunquã coniectura castigauit, horumq; omnium rationè in fronte cuiusq; tabulæ, ordine Ptolemæi cõscriptionem prosequens reddidi, quo ne temerè vel vnum apicem mutasse, aut iniquè arrogata licentia in tam præclaro opere non satis fideliter egisse videar. Dedi autem operam vt quæcunq; descriptioni Ptolemæi insunt, in ipsis tabulis exhiberem, quo ne illa opus sit, historię Geographiæque studio, sed quæ ad singula totius corporis membra pertinent, vnica imagine expressa pariter vno velut obtutu percipere possit, qua causa & naturę historiam, quã nonnunquam intermiscet autor, suis locis adscripsi, aut si is capax nõ esset, annotationibus adieci, quibus etiam, ne quid desiderari possit, fluminum origines, quas sine numeris recensuit, addidi. Quæ 8. & postremo libro sunt de insigniorum vrbium longissimis diebus, earumq; à meridiano Alexandrino distantia, quia ad digesti in suas longitudes latitudesq; orbis terrarum demonstrationem pertinent, nullo modo omittenda fuerunt, sunt enim tum veterum ante tempora Ptolemæi, tum ipsius Ptolemæi, tum aliorum eius tempore obseruationes & cœlestibus factæ, ad quarum rationem insigniorum per quamlibet regionem ciuitatum latitudes longitudesq; se ordinasse confitetur lib. 8. cap. 2. Qui locus à Villanouano sic intelligi videtur, quasi ex prius scriptis in toto volumine latitudinum & longitudinum numeris, dierum magnitudes distantiasq; à meridiano Alexandriæ ipsemet Ptolemæus collegerit, annotat enim errores in his commissos ex prioribus libris castigandos esse, verum si diligenter Ptolemæi rationes expendamus, contrariã eius sententiã esse deprehendemus. Etenim cū lib. 1. ca. 2. propositū suū esse dicat, nostræ habitabilis orbis ita describere, vt quàm maximè cū veritate cõgruat, & ad talè institutionè in primis peregrinationis historiam, q̄ peritorū hominū Geometricas cœlestesq; obseruationes exhibeat, necessariã esse, cœlestes porrò obseruationes geometricis multò certiores pfectioresq; existere addat, hæc proculdubiò historię partè pro certiore vniuersæ dispositionis suæ fundamento assumpsit, quæadmodū & cap. 4. rationale esse asserit, eū qui Cosmographica tractare velit, ea loca q̄ per diligentiores obseruationes deprehensa sunt, designationi suæ tanquam fundamenta præsupponere, & cap. 5. hac se ingredi via satis apertè testatur. Rursus quum cap. 4. paucas à veterioribus locorum latitudes longitudesq; traditas quaratur, quod ea ætate mathematicæ considerationes nõdum exactè perceptæ, nec multæ lunares defectiones eodem tempore obseruatæ essent, adeoque cap. 5. recentioris obseruationis historiam sibi consulendam attestetur, amplius & cap. 17. ab ijs qui ex Aegypto aut propinquis locis in Indiam nauigarunt, ac multo ibi tempore versati sunt, itemq; ab Indis ipsis, qui inde in Aegyptum venerunt, multa per Indiam non solum littoralem, sed & interiorem vsque ad Auream Chersonesum & Cattigaram etiam particulariùs didicisse confiteatur, quis dubitet ipsum huiusmodi mathematicas & cœlestes obseruationes passim à mercatoribus peritisq; alijs viris factas aut perceptas quàm diligentissimè perquisuisse, proinde & Geographiæ cõscriptioni suæ tanquam certissimum fundamentum supposuisse? siquidem id ipsum se facere lib. 7. cap. 5. clarè testatur. Quamobrè cum eam peregrinationis partem historica enarratione in prioribus libris non reddat, sed ea in genere tantum in primis ratiocinetur, & pro eius ratione locorum situs deinde numeris constituat, vt ex prologo 2. libri constat, certum est 8. lib. dierum magnitudes distantiasq; secundum longitudinem à meridiano Alexandriæ non ex præcedentibus numeris concinnasse, sed ex obseruationum traditionibus in præmissæ cõscriptionis demonstrationem congestisse, id conuincit & præcedentium numerorum differentia. enimvero in 3. Europæ tabula Viennam Massiliam Lugdunum & Nemausum in eadem omnes à meridiano Alexandriæ longitudinis distantia collocat, quum 2. lib. nequaquã eandem omnibus longitudinem adscribat, sed Nemausum vno gradu occidentalibus Vienna, & 2 $\frac{1}{2}$. Massilia ponat. Similiter tab. 5. Europæ Sacarbantiam Pannoniæ superioris, & Iaderam Illyridis eiusdem distantia notat, cum antea longitudinis differentiam graduum 2 $\frac{1}{2}$ numeris signarit. Idem pluribus locis per tres orbis continentes est deprehendere, vt non è præcedentium librorum numeris has dierum magnitudes, distantiasq; à meridiano Alexandriæ collegisse, sed è contrario ex his numeros illos composuisse sit certū. Quod porrò ab his numeri illi nonnunquam dissentiant, in causa est obseruationum cœlestium imperfectio, quæ etiam doctissimis exercitatissimisque obseruatoribus quandoque obrepit, circa quas prudenter agere Geographum oportet, vt dum aliæ in abundantia, aliæ in defectu peccant, nullis interim certioribus & indubitatis obseruationibus admixtis, medium illarum sequatur, & quantum his


P R A E F A T I O.

quidem obseruationibus addit, tantum illis adimat, erroresque mediet, ne nimium in alteram partem à vero recedat, sed illi propius accedat. Sic certissimas & irreprehensibiles obseruationes, qualis est illa eclipsis obseruatio Arbelis & Carthagine facta, primum retinens Ptolemæus, in reliquis mediã quandã viã sequutus est, prout regionum situs & profectiois reliqua historia patitur, & his quidẽ addidit, illis verò non nihil ademit, quo longius ab obseruationibus quã illas peccare contigit, recederet. Quod si ex præmissis long. & latit. numeris dierum magnitudines ac distantias à meridiano Alexandriae supputare fuisset institutum, id nõ in paucis nobilioribus vrbibus, ijsq; nonnunquam in vno tabulæ angulo cumulatis, sed in omnibus talibus, quin & in ignobilioribus quoque locis per reliquas tabulæ partes præstiffet, quo per totam tabulæ aream huiusmodi conditiones spectatori innotescerent, aut vno potius abaco vnaque regula omnium simpliciter locorum cœlestem ex longitudinis latitudinisque numeris rationem percipere docuiffet. Nunc verò nonnunquam nobilioribus locis præteritis, exiguas insulas in hanc considerationem assumit, sed celebrioribus nauigationibus frequentatas, vt geometricas cœlestesque in his obseruationes sequutum esse sit certissimum. Quamobrem grauius peccauerunt, qui huic octauo libro lunam adhibere ausi fuerunt, errores enim huiusmodi obseruationum, dum qua parte peccent ignotum est, castigandi nulla certa ratio iniri potest, quam tamen temeritatem hic nostro Ptolemæo multum detrimenti intulisse vel inde apparet, quòd in regionibus notioribus, magisque frequentatis, non in quibusdam tantum vrbibus, vbi fortè docti obseruatores superiorum non deerant, sed per complures quæ in hunc catalogum referuntur ciuitates, adeò exquisitè numerorum fracturis dierum magnitudines longitudinesque ab Alexandria notantur, adeòque exactè ad præmissos longitudinis latitudinisque numeros accedunt. Non enim credibile est per maximam eorum qui recensentur locorum partem vsque adeò perfectas obseruationes habitas fuisse. Vt autem hæc se res habeat, verisimiliorem exemplariorum consensum sequutus, cuique tabulæ suas obseruationes cœlestes, tanquam præcipuum Geographiæ membrum præscripsi, quo Ptolemæici operis ratio, quam sequutus est, per omnia præsens habeatur, & cum nostri temporis historia Geographica conferri possit. Hactenus eorum quæ Ptolemæi sunt, rationem habes lector, nunc quæ de meo addidi, subiungam.

Quæcunque numeris designat Ptolemæus, duabus tantum quantitate differentibus notis distinctionis causa signati, vrbes, ciuitates, portus & vicus maiore orbiculo, reliqua omnia minore. Porro ciuitates, quarum 8. libro rationes mathematicæ describuntur, duplici orbiculo notatæ sunt, quo disquisitæ statim appareant. Quæ autè alia ab exemplaribus aut longitud. aut latitudine constituenda mihi erant, eorum singulorum causas cuique tabulæ prænotauimus. In littoribus duobus nihil prohibet eos anfractus, qui in recentioribus & nunc melius perquisitis descriptionibus reperiuntur imitari, non enim postulat Ptolemæus à puncto in punctum semper rectas duci lineas, sed satis est promontoria, portus, sinus, ostia fluminum, insularum medullia, ab ipso designata suo loco reponere, reliquam autem littoris curuaturam iuxta veritatem vtcunque formare vtile est ad collationem veteris nouæque Geographiæ, eo ipso enim quæ loca quibus hodie respondeant, commonstratur, & facilius ad interiora quoque comparanda, antiquitatesque in neotericis tabulis commonstrandis via præbetur, quo etiam seruiunt fluminum, quorum ostia tantum notat, veriores decursus signati. Et frequenter diligens veri littoris imitatio numerorum corruptelas manifestat, ac rectè castigandi occasionem præbet, ideo studiosè in hoc aduigilauimus, vt littorum insularumque veram formam, quatenus numeri aut toris patiantur, exhiberem. Antiquorum autem nominum cum neotericis comparationem & synonymiam huic operi intexere vt incommodum, ita & inconsultum fuit, non enim in hoc Ptolemæi opere multis modis imperfecto fieri id potest, & plures sunt veteris Geographiæ nomenclaturæ apud alios autores, quorum ratio quoque habenda est, ita vt hoc institutum opus per se requirat, nec Ptolemæo misceri possit, donec in veram symmetriam, etiam particularium locorum, omnes eius tabulæ redigantur, quod Deo volente in tertio Geographicarum tabularum tomo quantum in me erit, præstabo, in quo id operam dabo, vt qui hanc meam additionem habuerit, vel sine omni admotione & indicio, sola inspectionis collatione loca Ptolemæi omnia dinoscat, atque inde in recentioribus tabulis secundi tomi ipsemet digito designare statim possit, synonymiamque addiscere: proinde hic tantum Ptolemæi opus suæ antiquitati restitutum exhibere consilium fuit, ante quam operam frustra collationis studium suscipere vanum erat. Regionum quæ in singulis tabulis à Ptolemæo describuntur nomina, caractere capitali inscripsi, circumiacentium autem regionum, quarum confinia illustrandi illarum situs causa adiunxi, alio minore literarum genere depinximus, quo quid cuique tabulæ sit proprium internoscatur. In describendis meridianis latitudinumque parallelis Ptolemæi præscriptum sequutus non sum, iubet ille in vnaquaque tabula pro ratione paralleli, qui per medium eius incidit, ad meridianum siue circulum maximum, gradus longitudinis gradibus latitudinis adaptare, meridianosque parallelis constituere, at quia sic suprema tabulæ quæ versus polum sunt, nimium supra rationem sphaeræ in longitudinem expanduntur, contra ima quæ versus meridiem sunt, nimium contrahuntur, alium concepi modum, iuxta quæ meridianorum parallelorumque positus, & ad inuicem habitudines, quàm proximè ad eam rationem quæ in sphaera est, accedant. Latitudine tabulæ, conuenienti designata, eam in tot partes diuido, quot latitudinis gradus suscepta tabula requirit, & ascriptis numeris parallelis per singulos latitudinis gradus duco, numerum deinde graduum latitudinis in quatuor æquas circiter partes diuido, duosque parallelis assumo, vnum qui quartam circiter graduum partem supra se relinquat, alterum qui tantundem proximè in imo tabulæ sub se concludat, ita vt dimidium totius latitudinis graduum intra duos hosce parallelis comprehendatur. Meridianum deinde medium tabulæ ita duco, vt rectus vtriusque parallelo insistant, à quo in vtroque parallelo, iuxta illius ad meridianum rationem, gradus longitudinis in vtramque partem circino consequenter designo, demum per vtriusque paralleli correspondentia signa meridianos duco, quæ hinc inde magis minusve ad medium illum meridianum inclinabuntur, prout latitudo tabulæ polo aut æquinoctiali propinquior fuerit. Exemplum accipe in 10. tab. Europæ, in qua gradus sunt latitudinis 87. nimirum extremi 34. & 42. ductis, ergo horum graduum assumo 36. & 40. graduum parallelis, & ad rectos angulos his insistentem meridianum duco per medium tabulæ, cui 50. numerum adscribo, quòd is gradus longitudinis medio huius tabulæ cõpetat, postea expanso circino in ternos aut quaternos gradus, qui iuxta rationem paralleli 40. graduum ad meridianum accepti sint, vnum circini pedem in huius paralleli & meridiani medij sectione constituo, eoque inde volutato, gradus longitudinis in vtramque partem signo, idem deinde in altero parallelo 36. iuxta illius ad meridianum rationem, facio, duobusque his parallelis in gradus longitudinis sic diuisis, à medio meridiano incipiens, reliquos meridianos signo in vtroque tabulæ latere, in co.

P R A E F A T I O.

in eorumq; summis imisq; extremitatibus, in limbo videlicet tabulae, conuenientes longitudinis numeros affcribo, atque ita iuxta sphaericam proximè rationem distributa area, inscriptionem regionum aggredior. Hac inscribendorum meridianorum forma id efficitur, vt quantum in summa imaq; tabulae latitudine meridiani se supra sphaericam rationem expandunt, tantundem in medio tabulae contrahantur, quod in exiguo graduum latitudinis numero multum esse nequit, quantumcunque autem id sit, ea duorum parallelorum constitutione ita medietur, vt locorum distantijs configurationibusq;, quas in sphaera fuerant habituri, quam minimum officiat. Rationem autem paralleli cuiusq; ad meridianum sic inuenio. Sit a. b. c. quarta pars circumferentiae meridiani circuli, sufficienti amplitudine du-




ta, quam in gradus 90. diuido, sitq; d. centrum meridiani & sphaerae, b. polus mundi, a. d. communis sectio meridiani & aequatoris, d. b. dimidium axis mundi. In hoc quadrante assumo latitudinem paralleli propositi, verbi gratia 40. in c. & duco lineam c. d. sumptis autem per circinum tribus vel 4. gradibus latitudinis in tabula primum designatis, constituo vnum eius pedem in centro d. alterum demitto in lineam c. d. & vbiunque incidit, quod sit in e. ibi eodem manente priorem contraho, donec b. d. lineam tangat, non secet, hoc est in f. incidat, angulos rectos cum b. d. faciens, ita iam contractus circinus totidem gradus, quot ex latitudine sumpseram, in parallelo 40. signandos comprehendit. Rursus circinum ad tres vel 4. gradus latitudinis expansum infero in g. d. lineam, qua ad alterius paralleli 36. latitudinem ducta sit, & ibi vt prius contracto circino, donec in h. consistens b. d. lineam priore pede tangat ac non secet, habeo magnitudinem graduum in parallelo 36. signandorum. Hae rationum inuentio verbosa demonstratione opus non habet, qui vel prima rudimenta geometriae gustauit, facile intelligit circumferentiarum ratio-

nem ad inuicem esse quae est diametrorum proinde circumferentiae paralleli 40. eandem esse rationem ad meridiani a. c. b. totam circumferentiam, quae est c. k. ad a. d. sive ad c. d. Iterum e. f. ad e. d. eandem esse rationem, quae est c. k. ad c. d. propter triangulorum c. k. d. & e. f. d. similitudinem, quare cum e. d. tribus meridiani gradibus sit aequalis, erit & e. f. tribus longitudinis gradibus in parallelo 40. aequalis. Simili via in parallelo 36. demonstratur h. i. tres ibi gradus comprehendere. Hanc igitur duorum parallelorum rationem sequutus sum, quoties non contemnenda supremi infimique parallelorum in ratione ad meridianum differentia incideret, vbi vero exigua satis in his differentia erat, vt meridianorum inclinatione opus non esset, medium tabulae parallelum pro meridianorum distantia, longitudinis. que partibus determinandis assumpsi, meridianosq; parallelos feci, quemadmodum in 7. Europae tabula videre licet. Nonnunquam item medium meridianum extra tabulae medium trāstuli, & parallelos longitudinum indices inaequali a summo imoq; tabulae spacio assumpsi, propter regionum, quae in ea tabula describuntur, praecipuam partem a medio tabulae declinantem, quam medio meridiano mediam secari, medioq; parallelorum interstitio comprehendi conuenit, vt quod in ambitu extremo crescit ex inclinatione meridianorum vitium, longius a copiosiore descriptionis parte remoueatur. In singulis porro tabulis ad quorum, parallelorum meridianique rationem reliquos meridianos constituerim, inclinauerimque, propria ad hoc picta tabella annotaui, quo de areae cuiusque symmetria, & conuenienti pro recipienda descriptione fundamento inspectori constet. Ne autem quid in hoc praclaro Ptolemaei opere desiderari possit, consilio & suauis viri profapia & eruditione clarissimi, & ad iuuanda bonarum artium studia propensissimi Domini Damiani Quadi, Domini in Landskron, indicem omnium quae apud Ptolemaeum sunt locorum & populorum tabulis subiunxi, ex quo quid veteris Geographiae habeat vel non habeat Ptolemaeus, quaque mundi parte & quo in regno locoque constituat, facillimum erit deprehendere, quod historias veteres legentibus frequenter vsui esse contingit.

Addidit Ptolemaeus lib. 8. in quibus signorum partibus solem verticalem nanciscantur ea loca, quorum observationes mathematicas & coelestes assignauit, quod ex observationis historia desumpsisse non existimo, sed inde demonstratum de suo addidisse, vt tamen inde sumpserit, magis hoc ad naturae locorum quam ad terrarum situs (qui in hoc opere potissimum & solus ferè consideratur) historiam pertinet, cuius si quis etiam hic delectetur speculatione, is hanc vnicam regulam praeculis habeat. Quaecumque loca minorem habent latitudinem, siue boream, siue australem, quam sit maxima solis declinatio, hoc est minorem 23½. gradibus, ea bis in anno solem supra verticem habent, idque tanto maiore temporis interstitio, quanto minor latitudo fuerit, vt sub aequatore dimidius intercedat annus, quae verò in ipsis sunt tropicis, id est, sub maxima solis declinatione, semel tantum verticalem habent: quae denique extra hanc siue in boream siue in austrum sunt, nunquam solem in vertice vident. Itaque ex ipsa cuiusque loci latitudine, quae circino ex imo vel supremo tabulae limbo recta in locum expanso, indeque in latere tabulae latitudinis gradibus applicato sine negotio deprehenditur, statimobuium est, semel ne in anno, an bis, an nunquam sol illius verticem attingat. Quo autem, quibus in signis id fiat, & quantum duae huiusmodi solis positiones inter se distent, cognosci possit, instrumentum hoc subijcere placuit, in quo a. b. arcus est circuli maximi, vtramque declinationem vsque ad 23½. gradus continens. c. d. & g. h. scalae sunt graduum ex a. b. arcu huc ad aequidistantiam aequinoctialis ductorum. Circumferentia super diametro. e. f. ducta ecliptica est in signa & gradus diuisa. Huius instrumenti hinc erit vsus. Quando latitudo loci minor fuerit declinatione solis maxima, tum pes vnus circini in e. aut f. constituatur, alter in latitudinem propositi loci extendatur, ita expansus circinus, vno semper pede aequinoctialem obtinente, aequidistanter scalae graduū promoueatur, donec alter pes in eclipticam incidit, hic vnus erit solis verticalis locus, deinde ulterius eodem cursu procedat circinus, donec idem hic secundus pes iterum eclipticam tangat, circulum iam egressurus, hic nunc alter erit verticem occupantis solis locus, quantum porro hi loci inter se distent, arcus eclipticae intermedius ostendet, qui si ex annuis ephemeridibus ad anni tempora conferatur, mox quo die primum, quo rursus secundo verticem transurus est sol, patefaciet.

P R A E F A T I O.

Tropicus Cancrī.



Imperialis Casarea Maiestatis interdicto cautum est, ne quis hoc Ptolomai geographicum opus à Gerardo Mercatore editum, sine ipsius consensu intra Sacri Romani Imperij Regnorumq; ac Dominiorum sua Maiestatis hereditariorum fines hisce decem annis proximis, à prima eius editione numerandis, recudere audeat, aut recusum alibi, venale inferre, sub multa grauisima in diplomate contenta. Datum Vienna Austria 26. Maij. 1578.

Regio Catholica Maiestatis edicto cautum est, ne quis proximo quinquennio prater Gerardum Mercatorem Rupelmundanum, vel eum, cui ab ipso permissum erit, Claudij Ptolomai tabulas, à se restitutas atque emendatas, ac Illustrissimo Duci Cluina, &c. dedicatas, neque vniuersas coniunctim, neque vllas separatim, in vniuerso Regie Maiestatis sua dominio excudat, aut alibi excusas, importet, venalesue habeat, sub pœnis in ipso Regis edicto nominatim expressis. Datum 3. Februarij 1578. Bruxella.

subsignatum

Blyleuen.

Faint, illegible text, likely bleed-through from the reverse side of the page.

Faint, illegible text, likely bleed-through from the reverse side of the page.

Subscriptum

Signum